



URED ZA REVIZIJU INSTITUCIJA BiH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA

www.revizija.gov.ba



IZVJEŠTAJ O OBAVLJENOJ FINANSIJSKOJ REVIZIJI

SUDA BOSNE I HERCEGOVINE

ZA 2024. GODINU



Sadržaj

I	MIŠLJENJE NEZAVISNOG REVIZORA.....	2
1.	MIŠLJENJE O FINANSIJSKIM IZVJEŠTAJIMA	2
2.	MIŠLJENJE O USKLAĐENOSTI.....	4
II	REZIME PREPORUKA DATIH ZA 2024. GODINU	6
III	IZVJEŠTAJ O OBAVLJENOJ REVIZIJI	6
1.	PREDMET I CILJ REVIZIJE	6
2.	KRITERIJI KORIŠTENI U REVIZIJI	6
3.	METODE I POSTUPCI REVIZIJE	7
4.	OCJENA REALIZACIJE PREPORUKA IZ PRETHODNIH IZVJEŠTAJA	7
5.	NADLEŽNOST, ORGANIZACIJA I RUKOVOĐENJE.....	8
6.	SISTEM INTERNIH KONTROLA.....	8
7.	FINANSIJSKI IZVJEŠTAJI	9
7.1.	Pregled prihoda i primitaka	10
7.2.	Pregled rashoda i izdataka iz budžeta	10
7.3.	Bilans stanja	11
8.	ZAPOSŁJAVANJE I STATUS ZAPOSLENIH (ANGAŽOVANIH) OSOBA	11
9.	JAVNE NABAVKE	12
10.	KOMENTARI SUDA NA NACRT IZVJEŠTAJA.....	13
PRILOZI		13

I MIŠLJENJE NEZAVISNOG REVIZORA

Mišljenje nezavisnog revizora se daje na osnovu obavljene finansijske revizije koja obuhvata reviziju finansijskih izvještaja i, u vezi s istom, reviziju usklađenosti aktivnosti, finansijskih transakcija i informacija s relevantnim zakonima i drugim propisima.

1. MIŠLJENJE O FINANSIJSKIM IZVJEŠTAJIMA

Mišljenje

Obavili smo reviziju finansijskih izvještaja **Suda Bosne i Hercegovine** (u daljem tekstu: Sud) koji obuhvataju: bilans stanja na 31.12.2024. godine, pregled prihoda, primitaka i finansiranja po ekonomskim kategorijama, pregled rashoda i izdataka po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja po vrstama i projektima, pregled doznaka iz tekuće rezerve budžeta, te analizu izvršenja budžeta – tekstualni dio, za godinu koja završava na taj dan.

Prema našem mišljenju, finansijski izvještaji Suda prikazuju istinito i fer, u svim značajnim aspektima, finansijsko stanje imovine, obaveza i izvora sredstava na 31.12.2024. godine, te prihode i izvršenje budžeta za godinu koja se završava na navedeni datum, u skladu s primjenjivim okvirom finansijskog izvještavanja.

Osnova za mišljenje

Reviziju smo obavili u skladu sa Zakonom o reviziji institucija Bosne i Hercegovine¹ i Međunarodnim standardima vrhovnih revizionih institucija (ISSAI)². Naše odgovornosti prema ISSAI standardima su detaljnije opisane u paragrafu *Odgovornosti revizora za reviziju finansijskih izvještaja*.

Nezavisni smo od Suda u skladu s etičkim zahtjevima koji su relevantni za našu reviziju prema ISSAI 130 – Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

Odgovornosti rukovodstva za finansijske izvještaje

Rukovodstvo Suda je odgovorno za sastavljanje i fer prezentaciju finansijskih izvještaja u skladu s primjenjivim okvirom finansijskog izvještavanja na nivou institucija Bosne i Hercegovine tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu s računovodstvenim politikama i procedurama za korisnike budžeta institucija BiH. Ova odgovornost podrazumijeva i kreiranje, primjenu i

¹ Službeni glasnik BiH, broj 12/06

² Međunarodni standardi vrhovnih revizionih institucija (ISSAI) dio su Okvira profesionalnih objava Međunarodne organizacije vrhovnih revizionih institucija – IFPP okvira (INTOSAI Framework of Professional Pronouncements), koji čine tri nivoa objava: INTOSAI principi (INTOSAI-P), međunarodni standardi vrhovnih revizionih institucija (ISSAI) i INTOSAI smjernice (GUID).

održavanje internih kontrola koje su relevantne za sastavljanje i prezentaciju finansijskih izvještaja koji ne sadrže značajne pogrešne iskaze uslijed prijevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

Odgovornosti revizora za reviziju finansijskih izvještaja

Naši ciljevi su steći razumno uvjerenje o tome da li su finansijski izvještaji kao cjelina sačinjeni bez značajnog pogrešnog prikazivanja uslijed prijevare ili greške i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija obavljena u skladu s Međunarodnim standardima vrhovnih revizionih institucija uvijek otkriti značajno pogrešno prikazivanje kada ono postoji.

Pogrešni prikazi mogu nastati uslijed prijevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donijete na osnovu tih finansijskih izvještaja.

Kao sastavni dio revizije, u skladu s Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- Prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili greške, oblikujemo i obavljamo revizione postupke kao reakciju na te rizike i pribavljamo revizione dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed greške, jer prijevare može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola.
- Stičemo razumijevanje internih kontrola relevantnih za reviziju kako bismo oblikovali revizione postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorilo rukovodstvo.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i da li finansijski izvještaji odražavaju transakcije i događaje na kojima su zasnovani na način kojim se postiže fer prezentacija.

S rukovodstvom komuniciramo u vezi sa, između ostalih pitanja, planiranim djelokrugom i vremenskim rasporedom revizije i važnim nalazima revizije, uključujući i one koji se odnose na značajne nedostatke u internim kontrolama koji su otkriveni tokom naše revizije.

2. MIŠLJENJE O USKLAĐENOSTI

Mišljenje

U vezi s revizijom finansijskih izvještaja Suda za 2024. godinu, obavili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, aktivnosti, finansijske transakcije i informacije Suda za 2024. godinu u skladu su, u svim značajnim aspektima, sa zakonima i drugim propisima koji su definisani kao kriteriji za datu reviziju.

Osnova za mišljenje

Reviziju usklađenosti smo obavili u skladu sa Zakonom o reviziji institucija Bosne i Hercegovine i ISSAI 4000 – Standard za reviziju usklađenosti. Naše odgovornosti prema ovom standardu su detaljnije opisane u paragrafu *Odgovornosti revizora za reviziju usklađenosti*.

Nezavisni smo od Suda u skladu s etičkim zahtjevima koji su relevantni za našu reviziju prema ISSAI 130 – Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su revizioni dokazi koje smo pribavili dovoljni i odgovarajući da osiguraju osnovu za naše mišljenje.

Odgovornosti rukovodstva za usklađenost

Pored odgovornosti za sastavljanje i fer prezentaciju finansijskih izvještaja, rukovodstvo Suda je također odgovorno da osigura da su aktivnosti, finansijske transakcije i informacije u skladu s propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornosti revizora za reviziju usklađenosti

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim značajnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bi pribavili revizione dokaze o tome da li se sredstva koriste za odgovarajuće namjene i da li je poslovanje Suda, prema definisanim kriterijima, usklađeno s relevantnim zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.



Sarajevo, 1.7.2025. godine

GENERALNI REVIZOR

Hrvoje Tvrtković, v. r.

**ZAMJENIK
GENERALNOG REVIZORA**

Nedžad Hajtić, v. r.

**ZAMJENICA
GENERALNOG REVIZORA**

Neda Močević, v. r.

II REZIME PREPORUKA DATIH ZA 2024. GODINU

U Izvještaju o obavljenoj finansijskoj reviziji za 2024. godinu data je jedna preporuka u segmentu zapošljavanja. Data preporuka je nova i odnosi se na finansijske izvještaje.

III IZVJEŠTAJ O OBAVLJENOJ REVIZIJI

Ured za reviziju institucija Bosne i Hercegovine (u daljem tekstu: Ured za reviziju) obavio je finansijsku reviziju za 2024. godinu koja obuhvata reviziju finansijskih izvještaja Suda i, u vezi s istom, reviziju usklađenosti.

U Izvještaju o obavljenoj finansijskoj reviziji Suda za 2024. godinu su, pored mišljenja nezavisnog revizora i rezimea datih preporuka za 2024. godinu, prezentovani predmet i cilj revizije, korišteni kriteriji, kao i metode i postupci revizije. Također, ocijenjena je realizacija preporuka iz prethodnih izvještaja i prezentovani su detaljni revizorski nalazi i date preporuke.

1. PREDMET I CILJ REVIZIJE

Predmet revizije su finansijski izvještaji Suda za 2024. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i odražavaju li bilansi u cijelosti rezultate poslovanja. Također, cilj revizije je procijeniti primjenjuje li rukovodstvo institucije zakone i propise, i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkciju interne revizije.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedina značajna pogrešna prikazivanja mogu ostati neotkrivena.

2. KRITERIJI KORIŠTENI U REVIZIJI

Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Naime, za obavljanje finansijske revizije korišteni su sljedeći kriteriji:

- Zakon o budžetu institucija BiH i međunarodnih obaveza BiH za 2024. godinu
- Zakon o finansiranju institucija BiH
 - Pravilnik o računovodstvu s računovodstvenim politikama i procedurama za korisnike budžeta institucija BiH

- Pravilnik o finansijskom izvještavanju institucija BiH
- Instrukcije o privremenom finansiranju institucija BiH za period januar – mart, april – juni i juli – septembar 2024. godine
- Zakon o plaćama i naknadama u institucijama BiH i podzakonski akti
- Zakon o plaćama i drugim naknadama u sudskim i tužilačkim institucijama na nivou BiH
- Zakon o porezu na dohodak i Zakon o doprinosima (FBiH i RS)
- Zakon o javnim nabavkama i podzakonski akti
- Zakon o državnoj službi u institucijama BiH i podzakonski akti
- Zakon o radu u institucijama BiH i podzakonski akti
- Zakon o upravi i podzakonski akti
- Zakon o reviziji institucija BiH
- Zakon o internoj reviziji.

3. METODE I POSTUPCI REVIZIJE

Finansijska revizija je provedena u skladu s donesenim godišnjim planom u dvije faze, odnosno obavljanjem prethodne i završne revizije u periodu između oktobra 2024. godine i maja 2025. godine. U skladu s predmetom finansijske revizije i metodologijom rada Ureda za reviziju koja se bazira na Međunarodnim standardima vrhovnih revizionih institucija (ISSAI), sagledana je prezentovana dokumentacija i informacije o poslovanju Suda, utvrđena su područja rizika i ocijenjeno je funkcionisanje sistema internih kontrola po pojedinim procesima radi određivanja revizionog pristupa. Na bazi uzorka je izvršen uvid u knjigovodstvenu dokumentaciju o nastalim poslovnim događajima evidentiranim u poslovnim knjigama Suda. Ispitana je dosljednost primjene zakonskih propisa, te pravila, procedura i drugih internih akata koji su vezani za finansijsko poslovanje Suda. Obavljeni su razgovori s rukovodstvom Suda i drugim zaposlenicima u cilju pribavljanja obrazloženja odgovornih osoba u vezi s poslovnim događajima koji su bili predmetom revizije.

4. OCJENA REALIZACIJE PREPORUKA IZ PRETHODNIH IZVJEŠTAJA

U prethodnim izvještajima o obavljenoj finansijskoj reviziji Suda Ured za reviziju je dao preporuke u cilju otklanjanja uočenih nepravilnosti, nedostataka i slabosti.

Tokom obavljanja revizije za 2024. godinu ocijenili smo da je Sud realizovao obje date preporuke.

U narednoj tabeli prikazan je pregled ocjene realizacije prethodno datih preporuka.

Tabela 2. Detaljan pregled ocjene realizacije prethodno datih preporuka

Broj prep.	Ocjena realizacije preporuke iz prethodnih izvještaja	Status
1/2023	Sud je u 2024. godini osigurao namjensko korištenje sredstava dodijeljenih za usluge reprezentacije.	
2/2023	Prilikom pravdanja utroška sredstava reprezentacije navodi se obrazloženje odnosno povod nastanka troška.	

Status: realizovana preporuka³.

5. NADLEŽNOST, ORGANIZACIJA I RUKOVOĐENJE

Sud je osnovan prema Zakonu o Sudu Bosne i Hercegovine⁴ da bi se osiguralo efikasno ostvarivanje nadležnosti države Bosne i Hercegovine, poštovanje ljudskih prava i vladavine zakona na njenoj teritoriji. Sud je nadležan za krivična djela utvrđena Krivičnim zakonom Bosne i Hercegovine i drugim zakonima Bosne i Hercegovine, kao i krivična djela utvrđena zakonima entiteta i Brčko distrikta Bosne i Hercegovine kada ta krivična djela ugrožavaju suverenitet, teritorijalni integritet, političku nezavisnost, državnu sigurnost i međunarodni subjektivitet Bosne i Hercegovine te ako mogu imati ozbiljne reperkusije ili štetne posljedice na privredu Bosne i Hercegovine, ili mogu izazvati druge štetne posljedice za Bosnu i Hercegovinu ili mogu izazvati ozbiljnu ekonomsku štetu ili druge štetne posljedice van teritorije datog entiteta ili Brčko distrikta. U nadležnost Suda ulazi i upravna nadležnost, apelaciona nadležnost te druge nadležnosti dodijeljene zakonom.

Pravilnikom o organizacionoj strukturi Zajedničkog sekretarijata i Ureda registrara Odjela I i Odjela II Suda iz 2024. godine⁵ uređena je organizacija, djelokrug rada, način rukovođenja Sudom te opis radnih mjesta stručnog osoblja i zaposlenika. Pravilnikom su sistematizovana radna mjesta za 301 izvršioca i 15 volontera, dok je Odlukom Visokog sudskog i tužilačkog vijeća definisano 58 sudija. Na 31.12.2024. godine Sud je zapošljavao 267 izvršilaca, 5 volontera i 44 sudije.

Sudom rukovodi vršiteljica dužnosti predsjednika Suda, koja je odlukom Visokog sudskog i tužilačkog vijeća imenovana od 21.12.2023. godine⁶.

6. SISTEM INTERNIH KONTROLA

Sud je odgovoran za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima. Na osnovu provedene revizije utvrdili smo da sistem internih kontrola u Sudu nije na zadovoljavajućem nivou u procesu odobravanja neplaćenog odsustva (detaljno opisano u tački 8. Izvještaja).

³ Realizovane su aktivnosti navedene u preporuci.

⁴ Službeni glasnik BiH, broj 49/09, 74/09 i 97/09

⁵ Broj: Su-10-10/24 od 5.1.2024. godine, Su-10-10-1/24 od 29.4.2024. godine, Su-10-10-2/24 od 20.9.2024. godine i Su: 10-10-3/24 od 10.10.2024. godine

⁶ Predsjednik Suda je odlukom Visokog sudskog i tužilačkog vijeća privremeno udaljen od vršenja funkcije do okončanja krivične istrage.

Finansijsko upravljanje i kontrola:

Zakon o finansiranju institucija BiH⁷ uređuje oblast finansijskog upravljanja i kontrole. Ovim Zakonom finansijsko upravljanje i kontrola definisano je kao sveobuhvatan sistem politika, procedura i aktivnosti koji uspostavlja i za koji je odgovoran rukovodilac institucije. Sistem finansijskog upravljanja i kontrole zasniva se na upravljanju rizicima i pruža razumno uvjeravanje da će ciljevi institucije biti ostvareni na pravilan, ekonomičan, efikasan i efektivan način. Sud je donio osnovne dokumente za uspostavljanje sistema finansijskog upravljanja i kontrole u skladu sa Zakonom o finansiranju institucija BiH, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH. Mape poslovnih procesa i Registar rizika su ažurirani u toku 2024. godine. Predsjednici Suda je dostavljen izvještaj o aktivnostima i stanju sistema finansijskog upravljanja i kontrole u Sudu za 2024. godinu. Sud je Centralnoj harmonizacijskoj jedinici Ministarstva finansija i trezora BiH⁸ dostavio Godišnji izvještaj o sistemu finansijskog upravljanja i kontrole za 2024. godinu.

Interna revizija:

U skladu sa Zakonom o internoj reviziji institucija BiH⁹ i Odlukom o kriterijima za uspostavljanje jedinica interne revizije u institucijama BiH¹⁰, uspostavljena je Jedinica interne revizije u Sudu. Jedinica interne revizije Suda nadležna je za obavljanje interne revizije u Sudu i Tužilaštvu BiH. Jedinica interne revizije Suda zapošljava dvije osobe, rukovodioca jedinice interne revizije i internog revizora. Jedinica interne revizije je donijela Konsolidovani strateški plan jedinice za 2024 – 2026. godinu, kao i Konsolidovani godišnji plan rada za 2024. godinu. Na osnovu ovih dokumenata doneseni su planovi rada za svaku nadležnu instituciju. Konsolidovani godišnji plan rada je realizovan u cijelosti, obavljeno je devet revizija, četiri redovne i pet naknadnih revizija. U Sudu su obavljene revizije procesa evidentiranja i naplate sudskih taksi i revizija procesa planiranja i izvršenja budžeta. Jedinica interne revizije je Centralnoj harmonizacijskoj jedinici Ministarstva finansija i trezora BiH dostavila Konsolidovani godišnji izvještaj interne revizije za 2024. godinu.

7. FINANSIJSKI IZVJEŠTAJI

Sud je sačinio Godišnji finansijski izvještaj za 2024. godinu i dostavio ga nadležnim organima i institucijama u skladu s važećim propisima i u utvrđenom roku. Po predaji izvještaja, uz sugestije Ministarstva finansija i trezora BiH, 14.4.2025. godine izvršena je korekcija Izvještaja o izvršenju budžeta Suda u dijelu popunjavanja Obrasca 6 – Pregled stalnih sredstava u obliku stvari i prava sa stanjem na 31.12.2024. godine. Analizom bilješki uz finansijske izvještaje konstatovano je da su sačinjeni prema Pravilniku o finansijskom izvještavanju institucija BiH¹¹. U bilješkama uz finansijske izvještaje dat je pregled novčanih potraživanja evidentiranih u pomoćnoj evidenciji Suda, a koja nisu evidentirana u Glavnoj knjizi Suda¹². U pomoćnu evidenciju „Napлата novčanih potraživanja“ evidentiraju se potraživanja po pravosnažnim presudama, a na osnovu izrečenih sudskih taksi, novčanih kazni, potraživanja po osnovu

⁷ Službeni glasnik BiH, broj 61/04, 49/09, 42/12, 87/12 i 32/13

⁸ Navedena Jedinica ima obavezu sačinjavati i Vijeću ministara BiH dostavljati konsolidovani godišnji izvještaj o sistemu finansijskog upravljanja i kontrole u institucijama BiH koji sadrži informacije o stepenu uspostavljanja, napretku, stanju i aktivnostima koje su u izvještajnom periodu realizovane u oblasti razvoja sistema internih finansijskih kontrola, kao i o planovima za budući razvoj sistema internih finansijskih kontrola u institucijama BiH.

⁹ Službeni glasnik BiH, broj 27/08 i 32/12

¹⁰ Službeni glasnik BiH, broj 77/24

¹¹ Službeni glasnik BiH, broj 25/15, 91/17 i 2/24

¹² Prema stavu Ministarstva finansija i trezora BiH ova potraživanja, prihodi po osnovu kazni, ne predstavljaju potraživanja već potencijalne buduće budžetske prihode, tako da se ne trebaju evidentirati u Glavnoj knjizi, već samo obrazložiti u tekstualnom dijelu finansijskih izvještaja.

zamjena kazne zatvora u novčanu kaznu, potraživanja po osnovu troškova krivičnog postupka, potraživanja po osnovu paušala te potraživanja po osnovu oduzete protivpravno stečene imovinske koristi. Ukupno iskazana potraživanja po osnovu novčanih kazni u krivičnom postupku za period 2011 – 2024. godina su 31.308.300 KM¹³.

7.1. Pregled prihoda i primitaka

Ukupno ostvareni prihodi i primici po ekonomskim kategorijama, u periodu od 1.1. do 31.12.2024. godine, iskazani su u iznosu od 4.335.123 KM, što je za 782.123 KM više u odnosu na prihode i primitke planirane za 2024. godinu.

Značajni prihodi odnose se na: prihode od novčanih kazni (3.253.766 KM), prihode od sudskih taksi (433.324 KM) i prihode od primljenih donacija (442.035 KM).

Pregled prihoda i primitaka prikazan je u Prilogu I Izvještaja.

7.2. Pregled rashoda i izdataka iz budžeta

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2024. godinu¹⁴, Sudu su odobrena sredstva u ukupnom iznosu od 21.750.000 KM (tekući izdaci 21.618.000 KM i kapitalni izdaci 132.000 KM)¹⁵. Također, spomenutim Zakonom je odobreno 288 zaposlenih u Sudu.

Tokom godine izvršena su usklađivanja budžeta koja se odnose na sredstva novčanih donacija¹⁶ uplaćena u tekućoj godini u iznosu od 442.035 KM. Prema navedenom, Sud je u 2024. godini raspolagao sredstvima u ukupnom iznosu od 22.192.035 KM.

Sud je izvršio prestrukturisanja rashoda budžeta koje je odobrilo Ministarstvo finansija i trezora BiH. Prestrukturisanje rashoda je izvršeno u ukupnom iznosu od 584.000.KM. Značajnije povećanje raspoloživih sredstava kroz prestrukturisanje osigurano je na poziciji ugovorenih usluga – pravne usluge (469.000 KM) za izmirenje obaveza prema advokatima po službenoj dužnosti, koje po Zakonu o krivičnom postupku Bosne i Hercegovine padaju na teret budžeta institucija Bosne i Hercegovine.

U pregledu rashoda i izdataka po ekonomskim kategorijama – zbirno, u periodu od 1.1. do 31.12.2024. godine, ukupno ostvareni rashodi iskazani su u iznosu od 21.820.486 KM, što je za 371.549 KM manje u odnosu na raspoloživi (korigovani) budžet za 2024. godinu.

Vrijednosno značajni rashodi odnose se na: bruto plaće i naknade plaća (15.628.926 KM)¹⁷, naknade troškova zaposlenih (1.563.503 KM), ugovorene i druge usluge (3.468.796 KM), izdatke za energiju i komunalne usluge (390.341 KM) i izdatke za telefonske i poštanske usluge (312.000 KM).

¹³ <https://www.sudbih.gov.ba/Content/Read/izvjestaji-o-izvršenju-budžeta>

¹⁴ Službeni glasnik BiH, broj 50/24

¹⁵ Do usvajanja budžeta za 2024. godinu, Sud je raspolagao sredstvima odobrenim prema pojedinačnim instrukcijama o privremenom finansiranju institucija BiH za period januar – mart 2024. godine, broj: 05-16-2-9002-1/23 od 28.12.2023. godine, za period april – juni 2024. godine, broj: 05-02-2-2499-1/24 od 26.3.2024. godine i period juli – septembar 2024. godine, broj: 05-02-2-4285-1/24 od 25.6.2024. godine koje je donio ministar finansija i trezora Bosne i Hercegovine.

¹⁶ IPA 2022. – Unapređenje rada na predmetima ratnih zločinaca u BiH

¹⁷ Prosječan broj zaposlenih u 2024. godini za koje su isplaćene bruto plaće bio je 267.

Pregled rashoda i izdataka iz budžeta prikazan je u Prilogu II Izvještaja.

7.3. Bilans stanja

U bilansu stanja na 31.12.2024. godine iskazana su ukupna sredstva u iznosu od 1.266.523 KM. Ukupne obaveze s izvorima sredstava iskazane su u iznosu od 3.721.337 KM.

Značajne stavke bilansa stanja odnose se na neotpisanu vrijednost stalnih sredstava (1.002.173 KM), obaveze prema zaposlenima (1.404.903 KM), kratkoročne tekuće obaveze (1.248.674 KM) i kratkoročna razgraničenja (65.586 KM). U odnosu na prethodnu godinu značajnije povećanje salda iskazano je na poziciji kratkoročnih tekućih obaveza (za 578.148 KM). Razlog za povećanje stanja su evidentirane obaveze prema pravnim osobama na osnovu izdatih rješenja za isplatu usluge advokata po službenoj dužnosti i ispostavljenih naloga za isplatu po osnovu oslobađajućih presuda. Odobrena sredstva u okviru redovnog budžeta nisu bila dovoljna za izmirenje ovih obaveza, tako da su obaveze nastale u 2024. godini, u ukupnom iznosu od 246.841 KM, prenesene u 2025. godinu¹⁸. Prenesene obaveze su izmirene u 2025. godini.

Bilans stanja prikazan je u Prilogu III Izvještaja.

8. ZAPOSŁJAVANJE I STATUS ZAPOSLENIH (ANGAŹOVANIH) OSOBA

Zakonom o budžetu institucija BiH i međunarodnih obaveza za 2024. godinu, Sudu su odobrena sredstva za 288 zaposlenih. Na 31.12.2024. godine u Sudu je bilo 267 zaposlenih osoba. Analizom kretanja zaposlenih konstatovano je da je u 2024. godini jednoj osobi odobreno neplaćeno odsustvo u trajanju od jedne godine radi stručnog usavršavanja nakon završenog fakulteta, odnosno obavljanja pripravničkog staža, u svrhu sticanja stručnih kvalifikacija. Po podnesenom zahtjevu zaposlenom je izdato rješenje kojim mu se odobrava neplaćeno odsustvo radi obavljanja pripravničkog staža u instituciji BiH¹⁹.

Pravilnikom o radu Suda²⁰ predviđeno je da se zaposleniku može odobriti neplaćeno odsustvo u trajanju do 30 dana u slučaju stručnog usavršavanja. Dok se neplaćeno odsustvo u trajanju dužem od 30 dana može odobriti u slučaju odlaska bračnog druga zaposlenika na rad u inostranstvo, u slučaju školovanja u inostranstvu i u drugim opravdanim slučajevima, prema ocjeni predsjednika. Nadalje, Zakonom o radu u institucijama BiH²¹ definisano je da je pripravnik osoba zaposlena prvi put u profesiji za koju je obrazovana, sa svrhom stručne obuke ili samostalnog rada, tako da obavljanje pripravničkog staža ne može biti osnova za odobravanje neplaćenog odsustva u cilju usavršavanja. Odobravanje neplaćenog odsustva zaposleniku radi obavljanja pripravničkog staža ne može se dovesti u vezu s pravom na neplaćeno odsustvo u svrhu stručnog usavršavanja za obavljanje radnih zadataka zaposlenog, s obzirom na to da je osoba zasnovala radni odnosu u drugoj instituciji BiH.

¹⁸ Neizmirene obaveze evidentirane su na bilansnoj poziciji kratkoročnih razgraničenja – razgraničeni rashod.

¹⁹ Zavod za izvršenje krivičnih sankcija, pritvora i drugih mjera BiH

²⁰ Akt broj: Su-10-58/24 od 30.1.2024. godine i Su-10-58-1/24 od 29.4.2024. godine - član 33.

²¹ Službeni glasnik BiH, br.: 26/04, 7/05, 48/05, 60/10, 32/13, 93/17, 65/20, 59/22 i 88/23

PREPORUKA 1

Sud je dužan prilikom odobravanja neplaćenog odsustva postupati u skladu sa Zakonom o radu u institucijama BiH i internim aktima koji regulišu ovu oblast.

9. JAVNE NABAVKE

Sud je donio i objavio Plan javnih nabavki za 2024. godinu, kako je propisano Zakonom o javnim nabavkama Bosne i Hercegovine. Prema prezentovanim podacima²², Sud BiH je u toku 2024. godine proveo dva otvorena postupka u vrijednosti od 103.699 KM bez PDV-a i 14 konkurentskih postupaka u vrijednosti od 237.377 KM bez PDV-a. Putem direktnog sporazuma izvršene su nabavke ukupne vrijednosti od 53.834 KM bez PDV-a. U revidiranim procedurama javnih nabavki nisu uočeni značajni nedostaci.

²² Podaci iz dostavljenih izvještaja iz Informacionog sistema e-nabavke

10. KOMENTARI SUDA NA NACRT IZVJEŠTAJA

Sud u ostavljenom roku nije dostavio komentare na Nacrt izvještaja o obavljenoj finansijskoj reviziji za 2024. godinu, tako da ovaj Izvještaj predstavlja konačan izvještaj bez korekcija u odnosu na Nacrt izvještaja o obavljenoj finansijskoj reviziji za 2024. godinu.

Reviziju u Sudu za 2024. godinu obavili su: Nataša Pavlović – vođa tima, Ana Marić – član tima i Darija Dandić – član tima.

**Vođa tima za
finansijsku reviziju**

Nataša Pavlović, v. r.

**Rukovodilac Odjela za
finansijsku reviziju**

Nermin Hamzagić, v. r.

Broj: 03-16-1-774/25

Prilozi

Prilog I – Pregled prihoda i primitaka za 2024. godinu

Prilog II – Pregled rashoda budžeta za 2024. godinu

Prilog III – Bilans stanja na 31.12.2024. godine

Prilog I

Pregled prihoda i primitaka za 2024. godinu

Sud Bosne i Hercegovine

Opis	Planirani iznos u budžetu	Izmjene i dopune	Ukupno planirani iznos	Ostvareni iznos	Procenat (5/4*100)
1	2	3	4 (2+3)	5	6
1. Neporezni prihodi	3.553.000	0	3.553.000	3.893.088	110
Prihodi od preduzetničkih aktivnosti i imovine i prihodi od pozitivnih kursnih razlika	0	0	0	0	
Naknade i takse i prihodi od pružanja javnih usluga	553.000	0	553.000	630.641	114
Novčane kazne (neporezne prirode)	3.000.000	0	3.000.000	3.262.447	109
2. Tekući transferi i donacije	0	0	0	442.035	
Primljeni tekući transferi od stranih vlada i međunarodnih organizacija - donacije iz inostranstva	0	0	0	442.035	
Primljeni tekući transferi od ostalih nivoa vlasti	0	0	0	0	
Domaće donacije	0	0	0	0	
3. Kapitalni primici	0	0	0	0	
Kapitalni primici od prodaje stalnih sredstava	0	0	0	0	
Primici od finansijske imovine	0	0	0	0	
Primici od dugoročnog zaduživanja	0	0	0	0	
Primici od kratkoročnog zaduživanja	0	0	0	0	
4. Ukupni prihodi i primici (1+2+3)	3.553.000	0	3.553.000	4.335.123	122

Pregled rashoda budžeta za 2024. godinu

Sud Bosne i Hercegovine

Opis	Odobreni budžet	Usklađivanja budžeta	Ukupni budžet	Izvršenje budžeta	Procenat (5/4*100)
1	2	3	4 (2+3)	5	6
1. Tekući izdaci	21.618.000	0	21.618.000	21.593.498	100
Bruto plaće i naknade	16.200.000	-564.000	15.636.000	15.628.926	100
Naknade troškova zaposlenih	1.560.000	10.000	1.570.000	1.563.503	100
Putni troškovi	26.000	-10.000	16.000	15.877	99
Izdaci telefonskih i poštanskih usluga	250.000	62.000	312.000	312.000	100
Izdaci za energiju i komunalne usluge	360.000	33.000	393.000	390.341	99
Nabavka materijala	100.000	10.000	110.000	107.662	98
Izdaci za usluge prijevoza i goriva	8.000	0	8.000	6.360	79
Unajmljivanje imovine i opreme	0	0	0	0	
Izdaci za tekuće održavanje	110.000	-10.000	100.000	97.229	97
Izdaci za osiguranje	4.000	0	4.000	2.805	70
Ugovorene i druge posebne usluge	3.000.000	469.000	3.469.000	3.468.796	100
2. Kapitalni izdaci	132.000	0	132.000	118.663	90
Nabavka zemljišta	0	0	0	0	
Nabavka građevina	0	0	0	0	
Nabavka opreme	0	0	0	0	
Nabavka ostalih stalnih sredstava	122.000	0	122.000	110.602	91
Rekonstrukcija i investiciono održavanje	10.000	0	10.000	8.061	81
3. Tekući grantovi	0	0	0	0	
	0	0	0	0	
	0	0	0	0	
4. Budžet-neposredna potrošnja (1+2+3)	21.750.000	0	21.750.000	21.712.161	100
5. Višegodišnja kapitalna ulaganja	0	0	0	0	
	0	0	0	0	
6. Novčane donacije	0	442.035	442.035	108.325	25
	0	0	0	0	
7. Programi posebne namjene	0	0	0	0	
	0	0	0	0	
8. Ukupno (4+5+6+7)	21.750.000	442.035	22.192.035	21.820.486	98

Bilans stanja na 31.12.2024. godine

Sud Bosne i Hercegovine

Opis	31.12.2024.	31.12.2023.	Procenat (2/3*100)
1	2	3	4
1. Gotovina, krat. potraživanja, razgraničenja i zalihe	264.350	25.558	1.034
Novčana sredstva	7.327	6.554	112
Kratkoročna potraživanja	9.876	19.004	52
Kratkoročni plasmani	0	0	
Interni finansijski odnosi	0	0	
Zalihe	0	0	
Kratkoročna razgraničenja	247.147	0	
2. Stalna sredstva	1.002.173	835.501	120
Stalna sredstva	5.588.346	5.434.558	103
Ispravka vrijednosti	4.586.173	4.599.056	100
Neotpisana vrijednost stalnih sredstava	1.002.173	835.501	120
Dugoročni plasmani	0	0	
Dugoročna razgraničenja	0	0	
UKUPNO AKTIVA (1+2)	1.266.523	861.059	147
3. Kratkoročne obaveze i razgraničenja	2.719.164	2.252.532	121
Kratkoročne tekuće obaveze	1.248.674	670.526	186
Kratkoročni krediti i zajmovi	0	0	
Obaveze prema zaposlenima	1.404.903	1.308.679	107
Interni finansijski odnosi	0	0	
Kratkoročna razgraničenja	65.586	273.326	24
4. Dugoročne obaveze i razgraničenja	0	0	
Dugoročni krediti i zajmovi	0	0	
Ostale dugoročne obaveze	0	0	
Dugoročna razgraničenja	0	0	
5. Izvori sredstava	1.002.173	835.501	120
Izvori sredstava	1.002.173	835.501	120
Ostali izvori sredstava	0	0	
Neraspoređeni višak prihoda/rashoda	0	0	
UKUPNO PASIVA (3+4+5)	3.721.337	3.088.033	121

Napomena: Pravilnikom o finansijskom izvještavanju institucija Bosne i Hercegovine, čl.10. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen